

2022 March 2 ni (vba dvtòl vmtshì bóy àngni)

Nà svng nò vba kèní vlúshaq éi rvtñò, vba svng ni nàtvng ni hòqshaq, nà mvr kèní ngúng èngùng hòq dèzaqshì kvv wa vm èlún lú:ngòe. Kadø íe wani nà nò vba dvtòl éi dø tiqdvchá, vba dvtòl svng ni vtving rà longè,” a:lòe.

Vm aq vntshì we làngcha

1. Vm aq vntshì we làngcha taq 46 ni vlnø 6 ni nò nání rì vbá e.
2. We àngwà nání rì íwe 6 ni taqnø vm aq vntshì we mv vl rat dvgá 40 ni svng vm aq vntshì lvm àngni rì wanø mvsat shìe.
3. Catholic sasvna shvngømré vdòng taq we 40 ni svng Latin kàku "Quadragesima" wawe ínø àng lvsøm nò 40 wanø lvsøm lúshìe.

Kàngpè yesu ò àng mvshøl mvshøl

Darì shvngømré vtóng ku

1. Kàngpè Yesu nò nání taq shøq yà:ngà
2. Lvbán vni ni taq tiløp kám shì yà:ngì.
3. Lvbán 3 ni wani taq vm aq vntshì we dang wá pvng yà:ngà wanø àng mvshøl kèní shálú:nìe.

Vm aq vntshì we nvng sha mvké lvm wawe Cannon Ubvdi (1252) taq

Vsak 18-60 nong dvhø ívmwe Catholic shvngømré vsvngri wenila taq sha ké mvdaq, we nvng vm aq vntshì we cvn dõng dvrá svng cvn dvgøm dvzaqshì ràwe íe. Cvvrèrì nvng vsak 60 nong mvdàm vsvngri we cvndõng dvrá vdòng taq dõngjá mv vl.

Sha mvké lvm nvng vm aq vntshì lvm svng tiqnøng vdòng taq 2 baq wa cvn dvgøm ràwe íe. We ni nò vba dvtòl vmtshì bóy àngni nvng lvbán 5 ni taq íe. Vm aq vntshì e wawe taq svrí dvchiqshì we dø mõi nò vm aq we dang taq àngwà rvtø kèní téwa vntshì nò vm aq shvyúm shì ràwe íe.

Vm aq vntshì e wawe taq àng vdèdø shiqshàn tvrà taq cvnnø cvn dvgøm ràwe gø íe. Góng shiqshàn tvrà mvvl vsvngri, cèl vsvngri nò vm aq vntshì mvrà. Vm aq vntshì we lvsøm kèní

vle dø dvgá àngnirì taq vm aq vnvtsihì mvrà. Ínì gø àng vdè tiqgø ò kámnøt, vjúrøt dvzaqshì we tvrà taq cvnnø vm aq vnvtsihì we í vjúrøt shìwe bvnli nø kadvgvp, ka rvtø taq ínìgø wáshì shvlae.

Lvbán 3 ni taq vba dvtølv mvtshì bóy àngni svng pàwálv wá vdu we ímá?
Svrabín koqkámpe Pope Gregory bat taq kèní we lvbán 3 ni taq vba dvtølv mvtshì bóy àngni svng wálv mvsat shì yàngì we ínø we rvtø taq 6 lvbán 42 ni vl we gø íe.

We 6 lvbán vdòng àngwà lvbán nání rì taqnø vm aq vnvtsihì we wáshì mvrà we rat we lvbán kèní nání 6 ni svng èlù bødø kvk 36 ni ngámshì vme. We ngámshìwe 36 ni taq vrá 4 ni svng rvm bødø kvk 40 ni gøm we ínø weni rì taq vm aq vnvtsihì lvm ílonge.

We àngni rì svng dvgøm vtndø dvgvp lvbán 3 ni nø vba dvtølv mvtshì bóy àngni wá vdu we íe.

We 40 ni svng vm aq vnvtsihì lvm làngcha wanø nvmlat Svraabín koqkámpe vya bvnli taq rip rái pè dvzvf Peter í dvkám yà:ngà.

Judaq vsvngri nø Babilon taq 70 nong køp vshuq wáshì yà:ngì we yvngkèní lutshì rái wekvt Babilon wamà svng cv:tnndø Shawlu koqkámpe í vrang ráà we noqngøm tngnø svng 46 nong døp dvcøp yv:ngà wedø Catholic shvngømré taqgø 70 ni Septuagesima season wawe rvtø langcha vjúrøt rvtø vle vm mèpvng vle vmwe nong køp taq vléshì bøi mvràri dvpat dvshér shilvm nvng Yesu Kristu àngò jejú rì dvpat 46 ni døp vrá dvgø shìndø àng kaqsvng noqngøm we íe.

Kàgvp ànglí taq vm aq vnvtsihì we 2 tvrà vl yv:ngì

Wervt Moshi nø ým gø màvm, aq gø màaqshaq vbicé ni vbicé yaq Yehowa nvng tiqdø v̄le. Wekvt kàgvp kàri, Dvrá tiqcé dāng nø lóngkøm vni gøm taq a:ngí vrūde. wanø Moshi vm aq vnvtsihì we dang (Búngám 34:28) nvng Wervt ang kungshì nø ým aq bøi kvk, welòng dvshaqí vbicé ni vbicé yaq di nø, Gvray shìgùng tóò we Horeb shìgùng tuqá:mì. (1 koqkám 19:8), kàgvp àng shvr taq Ang nø ýmpà màvmvm vnatshì we vbicé nī vbicé yaq vlé rái mèpvng, svrishi lú:ngì. Wekvt dvløtshú pè Ang yvng di rái nø, “Nà nø Gvray Angcè pè éi kvk kèní nø, lóng yari svng zidòng lví lōng dø dèká:mò,” a:lòe.(Mati 4:2-3) rì taq vru yv:ngà we svng yánglún shìe.